



RAMADHAN BULAN KEAMPUNAN



Bulan Ramadhan

Bulan Ramadhan merupakan bulan yang penuh dengan keberkatan yang mana pada bulan ini disyariatkan ibadah yang amat mulia di sisi Allah, iaitu puasa. Sabda Rasulullah s.a.w:


“Telah tiba kepada kamu bulan Ramadhan, iaitu bulan yang penuh keberkatan. ALLAH telah mewajibkan ke atas kamu agar berpuasa pada bulan itu.” - Hadis riwayat Imam Ahmad di dalam Musnadnya , hadis no: 9133.



Bulan Diturunkan Al-Quran

Rahmat yang diturunkan oleh Allah SWT dalam bulan Ramadhan boleh digambarkan dengan keampunan yang Allah SWT tawarkan untuk orang beriman sebagaimana dalam hadis diriwayatkan daripada Abu Hurairah:

“(Masa yang diwajibkan kamu berpuasa itu ialah) bulan Ramadhan yang padanya diturunkan Al-Quran, menjadi petunjuk bagi sekalian manusia dan menjadi keterangan-keterangan yang menjelaskan petunjuk dan (menjelaskan) perbezaan antara yang benar dengan yang salah”.





Bulan Diturunkan Al-Quran

Kalamullah Al-Quran telah diturunkan pada bulan ini. Seluruh umat Islam beriman bahawa Al-Quran merupakan kitab yang menjadi petunjuk bagi sekalian hamba Allah untuk membezakan di antara kebenaran dan kebatilan.

Doa Pada Bulan Ramadhan



“Ya Allah, berilah keselamatan kepada kami untuk (menghadapi) Ramadhan. Berilah kesejahteraan Ramadhan untuk kami dan terimalah ibadah Ramadhan daripada kami dengan sebenar-benar penerimaan)”

(Diriwayatkan oleh al-Tabrani dalam kitabnya al-Du’a’, no. 912, al-Dailami dalam musnad al-Firdaus, daripada Ubadah bin Somit RA, beliau berkata:


“Adalah Rasulullah ﷺ telah mengajarkan kepada kami beberapa kalimah doa apabila datangnya Ramadhan.”)

Hadith Ramadhan Bulan Keampunan

Daripada Abu Hurairah RA, daripada Nabi
ﷺ bersabda :

“Sesiapa yang berpuasa Ramadhan dengan penuh keimanan dan ihtisab (mengharapkan keredhaan Allah) akan diampunkan dosanya yang terdahulu.”

(Riwayat al-Bukhari, Kitab al-Iman, Bab Shawmu Ramadhan Ihtisaban Mina al-Iman, no. 38)





Pengajaran Hadith

- Ibadah puasa merupakan satu amalan yang dapat mendidik dan membentuk ketaqwaan seseorang hamba.
- Disebalik kewajipan berpuasa itu, terdapat hakikat yang tersirat iaitu menanamkan kebiasaan mengadakan pengawasan terhadap diri sendiri dan menanam akhlak kesabaran di dalam jiwa setiap pelakunya.






Pengajaran Hadith

- Seorang hamba yang berpuasa terutamanya di bulan Ramadhan, maka Allah SWT akan menghapuskan dosa-dosanya yang terdahulu dan apabila dosa seorang hamba diampunkan, maka hamba itu akan lebih dekat dengan ketaqwaan.






Mendapat Syafaat Daripada Puasa & Al-Quran

Daripada Abdullah bin 'Amr RA berkata, bahawa Nabi SAW bersabda:

الصَّيَّامُ وَالْقُرْآنُ يَشْفَعَانِ لِلْعَبْدِ يَوْمَ الْقِيَامَةِ، يَقُولُ الصَّيَّامُ: أَيُّ رَبِّ،
مَنْعْتُهُ الطَّعَامَ وَالشَّهَوَاتِ بِالنَّهَارِ، فَشَفَّعْنِي فِيهِ، وَيَقُولُ الْقُرْآنُ:
مَنْعْتُهُ النَّوْمَ بِاللَّيْلِ، فَشَفَّعْنِي فِيهِ، قَالَ: فَيُشَفَّعَانِ



Mendapat Syafaat Daripada Puasa & Al-Quran

Maksudnya: “Puasa dan Al-Quran akan memberi syafaat buat hamba pada hari kiamat. Puasa berkata: “Wahai Rab!, Aku telah menahannya daripada makan dan syahwat pada siang hari, maka izinkan aku memberi syafaat kepadanya. Al-Quran pula berkata: Aku telah menahannya daripada tidur pada malam hari, maka izinkan aku memberi syafaat kepadanya. Kemudian, keduanya memberi syafaat (kepada orang yang melakukannya).” [Riwayat Ahmad (6626) dan al-Thabarani (88)]

Puasa Ramadhan Menghapuskan Dosa

Daripada Abu Hurairah RA, bahawa Rasulullah ﷺ bersabda:

"Solat lima waktu, hari Jumaat ke Jumaat (berikutnya) dan Ramadhan ke Ramadhan (berikutnya) akan menghapuskan (dosa-dosa) di antara tempoh tersebut sekiranya (seseorang itu) menjauhi dosa-dosa besar."



Puasa Ramadhan Menghapuskan Dosa

(Riwayat Muslim, Kitab at-Toharah, Bab Ash Sholawat al-Khamisi wa al-Jum'ati Ila alJuma'ati wa Ramadhana Ila Ramadhana Mukaffiratun Lima Bainahunna Ma Ijtinabati al-Kabair, no. 233)



Pengajaran Hadith



- Setiap amalan yang dilaksanakan dengan penuh keikhlasan akan melahirkan kemanisan dan ketenangan dalam diri dalam beramal.
- Seseorang yang melakukan amalan wajib akan diganjar pahala dan keampunan oleh Allah SWT.
- Keampunan yang dimaksudkan adalah untuk dosa-dosa kecil sahaja manakala dosa-dosa besar tidak akan terhapus melainkan dengan hanya bertaubat kepada Allah SWT (dengan sebenar-benar taubat).

Rahmat dan Keampunan di Bulan Ramadhan

Rahmat yang diturunkan oleh Allah SWT dalam bulan Ramadhan boleh digambarkan dengan keampunan yang Allah SWT tawarkan untuk orang beriman sebagaimana dalam hadis diriwayatkan daripada Abu Hurairah:

Suatu ketika Nabi SAW menaiki mimbar, Baginda SAW bersabda: Amin, Amin, Amin. Baginda SAW ditanya: “Wahai Rasulullah, apabila engkau menaiki mimbar, engkau telah berkata amin, amin, amin”.

Rahmat dan Keampunan di Bulan Ramadhan

Maka Rasulullah SAW bersabda:


“Sesungguhnya Jibril AS telah datang kepadaku, lalu Jibril berkata: Barangsiapa yang bertemu dengan bulan Ramadhan tetapi tidak diampunkan baginya maka dia akan dimasukkan ke dalam neraka serta dijauhkan (daripada rahmat) oleh Allah SWT. Katakanlah Amin (wahai Muhammad). Maka aku katakan: Amin”
(Riwayat Ibnu Hibban)

Rahmat dan Keampunan di Bulan Ramadhan

Hadis di atas menyebutkan tentang kerugian ke atas orang yang sempat berada dalam bulan Ramadhan tetapi kesempatan itu tidak dimanfaatkan dengan sebaiknya untuk mendapat keampunan daripada Allah SWT.



Penurunan Al-Quran Dalam Bulan Ramadhan



Imam Fakhruddin al-Razi dalam tafsirnya Mafatih al-Ghaib menyatakan bahawa kemuliaan Ramadhan adalah kerana dua syiar Islam yang agung berlaku serentak iaitu fardhu puasa dan penurunan Al-Quran.

Oleh itu, rahmat serta keberkatan daripada dua ibadah agung ini menyebabkan Ramadhan menjadi lubuk keberkatan bagi umat Islam.



Malam Lailatul Qadar

Apakah yang dimaksudkan dengan Lailatul Qadar?

Lailatulqadar (ليلة القدر) merupakan satu malam yang istimewa di Bulan Ramadhan. Lailah yang memberi maksud apabila tenggelamnya matahari sehingga terbitnya fajar (malam). Al-Qadar pula memberi maksud kemuliaan atau hukum dan ketetapan.

Malam Lailatul Qadar



Para ulama berbeza pendapat apabila Qadar disandarkan kepada malam. Ada ulama berpendapat ianya kerana kemuliaan dan terdapat juga pendapat-pendapat lain. Ibn Qudamah berpendapat malam qadar ialah malam yang mulia, diberkati, diagungkan dan mempunyai banyak kelebihan. Para ulama berpendapat, sebaik-baik amalan soleh adalah pada malam Qadar yang mana ianya lebih baik daripada seribu bulan. Hal ini, berdasarkan nas yang terdahulu.

Malam Lailatul Qadar

Kelebihan Malam Qadar

- Dikatakan lebih baik daripada seribu bulan. Imam al-Qurtubi berkata: “Malam Qadar mempunyai kelebihan kerana banyaknya keistimewaan dan malam tersebut dibahagikan kebaikan yang banyak yang tidak terdapat seumpamanya pada seribu bulan. Ramai ulama dan ahli tafsir berpendapat amalan dilakukan pada malam Qadar lebih baik daripada seribu bulan yang tiada padanya malam Qadar. Hal ini, disokong oleh Abu al-‘Aliyah.



Malam Lailatul Qadar

Kelebihan Malam Lailatul Qadar

- Malaikat dan Jibril turun pada malam tersebut. Imam Qurtubi berkata: “Mereka turun daripada setiap langit dan juga Sidratul Muntaha ke langit dunia untuk mengaminkan doa orang yang memohon pada malam tersebut hingga waktu fajar.
- Turunnya malaikat dan Jibril membawa rahmat dengan perintah Tuhan.



Malam Lailatul Qadar

Kelebihan Malam Lailatul Qadar

- Mendapat keselamatan dan kebaikan semuanya tanpa sebarang kejahatan hingga keluarnya fajar. Al-Dahhaq berkata: “Allah tidak takdirkan pada malam tersebut kecuali keselamatan. Sedangkan Mujahid berpendapat: “Ia merupakan malam selamat di mana syaitan tidak mampu untuk melakukan sebarang kejahatan pada malam tersebut.” Lihat Tafsir al-Qurtubi 20/133.



Malam Lailatul Qadar

Daripada 'Aisyah R.Anha, katanya:

كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ "يَجْتَهِدُ فِي الْعَشْرِ مَا لَا يَجْتَهِدُ فِي غَيْرِهِ"

Maksudnya: "Adalah Rasulullah SAW berusaha bersungguh-sungguh (beribadah) pada sepuluh akhir (Ramadan) melebihi kesungguhannya pada bulan-bulan yang lain"



Amalan di Bulan Ramadhan Bulan Keampunan



- Melakukan solat sunat terawikh dan solat-solat sunat lain.
- Perbanyakkan sedekah.
- Berdoa memohon keampunan dan dihapuskan dosa yang lalu.
- Melakukan iktikaf.
- Melakukan solat fadhu secara berjemaah.
- Perbanyakkan zikir, selawat dan doa.
- Memberi makan kepada orang berbuka puasa.
- Perbanyakkan sedekah.

Sumber

- <https://www.mingguanwanita.my/terbuka-luas-pintu-syurga-jangan-henti-doa-mohon-keampunan-allah-sepanjang-ramadan/>
- https://www.islam.gov.my/images/ePenerbitan/buku/Himpunan_Hadith-Hadith_Sahih_Siri_1_Keutamaan_Puasa__Ramadan-latest.pdf
- <https://muftiwp.gov.my/ms/artikel/irsyad-al-hadith>
- <https://mais.gov.my/artikel-dakwah/ramadhan-bulan-rahmat/>
- <https://muftiwp.gov.my/ms/artikel/irsyad-al-hadith/1108-irsyad-al-hadith-siri-ke-80-kepentingan-meraih-keampunan-allah-swt-di-bulan-ramadhan>
- <https://www.hmetro.com.my/addin/2021/04/700211/lailatul-qadar-malam-istimewa-1000-bulan>
- <https://muftiwp.gov.my/ms/artikel/bayan-linnas/1811-lailatulqadar>
- <https://perkimdk.com/ada-apa-dengan-lailatul-qadar/>